

בראשית

בראשית

א א בראשית ברא אלהים את
 ב השמים ואת הארץ: והארץ
 היתה תהו ובהו וחשך על-פני
 תהום ורוח אלהים מרחפת
 ג על-פני המים: ויאמר אלהים
 ד יהי אור ויהי-אור: וירא
 אלהים את-האור כי-טוב
 ויבדל אלהים בין האור ובין
 ה החשך: ויקרא אלהים | לאור
 יום ולחשך קרא לילה ויהי-
 ערב ויהי-בקר יום אחד:
 יו ויאמר אלהים יהי רקיע בתוך
 המים ויהי מבדיל בין מים
 ז למים: ויעש אלהים את-
 הרקיע ויבדל בין המים אשר
 מתחת לרקיע ובין המים אשר
 ח מעל לרקיע ויהי-כן: ויקרא
 אלהים לרקיע שמים ויהי-
 ערב ויהי-בקר יום שני:
 ט ויאמר אלהים יקוו המים
 מתחת השמים אל-מקום
 אחד ותראה היבשה ויהי-כן:
 י ויקרא אלהים | ליבשה ארץ
 ולמקוה המים קרא ימים
 יא וירא אלהים כי-טוב: ויאמר
 אלהים תרשא הארץ וישא

עשב מזריע זרע עץ פרי עשה
 פרו למינו אשר זרעו-בו על-
 יב הארץ ויהי-כן: ותוצא הארץ
 וישא עשב מזריע זרע למינהו
 ועץ עשה-פרו אשר זרעו-בו
 למינהו וירא אלהים כי-טוב:
 יג ויהי-ערב ויהי-בקר יום
 * שלישי:
 יד ויאמר אלהים יהי מארת
 ברקיע השמים להבדיל בין
 היום ובין הלילה והיו לאתן
 ולמועדים ולימים ושנים:
 טו והיו למאורת ברקיע השמים
 להאיר על-הארץ ויהי-כן:
 טז ויעש אלהים את-שני המארת
 הגדלים את-המאור הגדל
 לממשלת היום ואת-המאור
 הקטן לממשלת הלילה ואת
 יז הפוכבים: ויתן אתם אלהים
 ברקיע השמים להאיר על-
 יח הארץ: ולמשל ביום ובלילה
 ולהבדיל בין האור ובין החשך
 יט וירא אלהים כי-טוב: ויהי-
 ערב ויהי-בקר יום רביעי:
 כ ויאמר אלהים ושרצו המים
 שרץ נפש חיה ועוף יעופף
 על-הארץ על-פני רקיע
 כא השמים: ויברא אלהים את-

התנינם הגדלים ואת כל-נפש
 החיה | הרמשת אשר שרצו
 המים למינהם ואת כל-עוף
 כנגף למינהו וירא אלהים
 כב כי-טוב: ויברך אתם אלהים
 לאמר פרו ורבו ומלאו את-
 המים בימים והעוף ירב
 כג בארץ: ויהי-ערב ויהי-בקר
 יום חמישי:
 כד ויאמר אלהים תוצא הארץ
 נפש חיה למינה בהמה ורמש
 וחיתו-ארץ למינה ויהי-כן:
 כה ויעש אלהים את-חית הארץ
 למינה ואת-הבהמה למינה
 ואת כל-רמש האדמה למינהו
 ט וירא אלהים כי-טוב: ויאמר
 אלהים נעשה אדם בצלמנו
 כדמותנו וירדו בדגת הים
 ובעוף השמים ובהמה ובכל-
 הארץ ובכל-הרמש הרמש
 כז על-הארץ: ויברא אלהים |
 את-האדם בצלמו בצלם
 אלהים ברא אתו זכר ונקבה
 כח ברא אתם: ויברך אתם אלהים
 ויאמר להם אלהים פרו ורבו
 ומלאו את-הארץ וכבשה
 ורדו בדגת הים ובעוף השמים
 ובכל-חיה הרמשת על-
 כט הארץ: ויאמר אלהים הנה